

Headline	4,609 ditahan terlibat kegiatan judi		
MediaTitle	Sinar Harian (Johor)		
Date	03 Oct 2017	Language	Malay
Circulation	160,000	Readership	509,000
Section	News	Page No	35
ArticleSize	142 cm²	Journalist	N/A
PR Value	RM 2,984		



4,609 ditahan terlibat kegiatan judi

JOHORBAHRU - Seramai 4,609 individu ditahan menerusi 766 serbuan yang dijalankan semasa Ops Dadu Khas yang dilakukan sepanjang Januari hingga September lepas.

Ketua Jabatan Siasatan Jenayah negeri, Senior Asisten Komisioner Azman Ayob berkata, sebanyak 13,341 mesin judi bernilai RM6,670,500 serta wang tunai sebanyak RM304,709 turut dirampas sepanjang operasi itu.

Menurutnya, dari jumlah tersebut sebanyak 272 kes dituduh di mahkamah.

"Bagi memastikan aktiviti ini dapat dibanteras sepenuhnya, polis Johor bekerjasama dengan kTenaga Nasional Berhad (TNB) dengan melakukan pemotongan elektrik di premis-premis yang menjalankan kegiatan mesin perjudian online (dalam talian) ini.

"Bagi tempoh Januari hingga September lepas, sebanyak 160 premis yang menjalankan aktiviti-aktiviti mesin perjudian

dipotong bekalan elektrik," katanya.

Azman berkata, pihaknya memberi amaran tegas kepada penganjur aktiviti perjudian ini dan tindakan undang-undang akan diambil dibawah Seksyen 4B(a) Akta Rumah Perjudian Terbuka 1953.

"Operasi ini adalah membanteras habis-habisan kegiatan perjudian bermesin di seluruh kontinjen Johor," katanya.

Beliau berkata, ia juga bermatlamat mengekang kewujudan aktiviti perjudian haram yang wujud secara berseleindung dan bersembunyi walaupun tindakan tegas sudah diambil sebelum ini.

"Kepimpinan polis Johor memandang serius semua kegiatan berbentuk sindiket daripada terus menular dan membelenggu kehidupan masyarakat seharian.

"Operasi ini akan berterusan sehingga pihak polis dapat melumpuhkan sepenuhnya kegiatan ini," katanya.